

四庫全書

集部

欽定四庫全書

集部

御定全唐詩錄卷九十二

詳校官左中允_臣璠五珠

主事銜_臣徐以坤覆勘

總校官原任中允_臣王燕緒

校對官中書_臣田尹衡

謄錄監生_臣鍾浩

欽定四庫全書

御定全唐詩錄卷九十一

羅隱

隱字昭諫新登人本名橫十上不中第遂更名從事湖南歷淮潤皆無合久之歸投錢鏐累官錢塘令鎮海軍掌書記節度判官鹽鐵發運副使著作佐郎奏授司勳即梁祖以諫議大夫召不行魏博羅紹威推為叔父表薦給事中年七十七終隱少

聰敏作詩文多以譏刺為主有甲乙詩集

紀事云隱初隱池之梅根浦自號江東生廣明中
池守竇橘營墅居之

隱為唐相鄭畋李蔚所知畋女覽其詩諷誦不已
有慕才意隱貌寢陋女一日簾窺之自此絕不詠
其詩

又紀事云隱虬髯共場屋謂之三羅昭宗聞其名
欲以甲科處之有大臣奏曰隱雖有才然多輕易

明皇聖德猶橫遭乎譏謗將相臣僚豈能免乎凌
轢帝問譏詢之詞對曰隱有華清詩曰樓殿層層
佳氣多開元時節好笙歌也知道德勝堯舜爭奈
楊妃解笑何其事遂寢

北夢瑣言云隱頻不得意頗怨望為貴遊子弟所
排契濶東歸黃冠事平朝賢議欲召之韋貽範沮
之曰某與同舟而載未相識舟人告云此有朝官
羅曰是何朝官我脚夾筆亦可敵得數輩必若登

科通籍吾徒為粃糠也由是不果召

江南李氏嘗遣使聘越越人問見羅給事否使人
曰不識亦不聞名越人云四海聞有羅江東何拙
之甚使人曰為金榜上無名所以不知

古體詩

隴頭水

借問隴頭水年年恨何事全疑嗚咽聲中有征人淚自
古無長策况我非深智何計謝潺湲一宵空不寐

江南行

江南濕雨鮫綃軟漠漠遠山眉黛淺水國多愁又有情
夜槽壓酒銀船滿細柳搖烟凝曉空吳王臺榭春夢中
鴛鴦鷓鴣喚不起平鋪綠水眠東風西陵路遠月悄悄
油壁車輕嫁蘓小

江南別

去年今夜江南別鴛鴦翅冷飛蓬熱今年今夜江北邊
鯉魚腸斷音書絕男兒心事無了時出門上馬不自知

酬丘光庭

正月十五日書札五月十六日到來柳吟秦望咫尺地
鯉魚何處閒徘徊故人情意未疎索次第序述眉眼開
上言二年隔烟水下有數幅真瓊瑰行吟坐讀口不倦
瀑泉激射琅玕摧壁池蘭蕙日已老村酒蘸甲時幾杯
鶴齡鴻算不復見雨後蓑笠空莓苔自從黃冠擾中土
人心波蕩猶未迴道殷合眼拜九列張濬掉舌升三台
朝廷濟濟百揆序寧將對面容姦回禍生有基妖有漸

翠華西幸蒙塵埃三川梗塞兩河閉大明宮殿生蒿萊
懦夫早歲不量力策蹇仰北高崔嵬千門萬戶扃鎖密
良匠不肯雕散材君今得意尚如此况我麋鹿悠悠哉
榮衰貴賤目所覩莫嫌頭白黃金臺

近體詩

效玉臺體

青樓枕路隅壁甃復椒塗晚夢通簾押春寒逼酒鑪解
吟憐芍藥難見恨芎蒲試問年多少鄰姬亦姓胡

春居

東風百卉搖舊國路迢迢偶病成疎散因貧得寂寥倚
簷高柳弱乘露小桃妖春色常無處村醪更一瓢

絕境

絕境非身事流年但物華水梳苔髮直風引蕙心斜凡
客從題鳳膚音未勝蛙小船兼有槩始與問漁家

秋晚

宰邑慚良術為文愧壯圖縱饒長委命爭奈漸非夫杯

酒有時有亂離無處無金庭在何處回首一踟躕

除夜

官歷行將盡村醪強自傾厭寒思暖律畏老惜殘更歲
月已如此寇戎猶未平兒童不諳事歌吹待天明

杜處士新居

翠斂王孫草荒誅宋玉茅寇餘無故物時薄少深交進
笋穿行逕饑雛出壤巢小園吾亦有多病近來拋

秋浦

晴川倚落暉極目思依依野色寒來淺人家亂後稀久
遊身不達多病意常違還有魚船在時時夢裏歸

早登新安縣樓

關城樹色齊往事未全迷塞路真人氣封門壯士泥草
濃延蝶舞花密教鶯啼若以鳴為德鸞鳳不及雞

寄陸龜蒙

李相公蔚在淮
南嘗徵其詩

龍樓李丞相昔歲仰高文黃閣尋無主青山竟未聞夜
船乘海月秋寺伴江雲却恐塵埃裏浮名點汚君

北固亭東望寄默師

高亭暮色中往事更誰同
水漫矜天濶山應到此窮
病憐京口酒老怯海門風
惟有言堪解何由見遠公

姑蘇真娘墓

春草荒墳墓萋萋向虎丘
死猶嫌寂寞生肯不風流
皎鏡山泉冷輕裾海霧秋
還應伴西子香逕夜深遊

菊

籬落歲云晏數枝聊自芳
雪裁纖葉密金拆小苞香
千

載白衣酒一生青女霜春叢莫輕薄彼此有行藏

燕

不必嫌漂露何妨養羽毛漢妃金屋遠盧女杏梁高野
迴雙飛急烟晴對語勞猶勝黃雀在棲息是蓬蒿

自貽

衰老應難更進趨藥畦經卷自朝晡縱無顯效亦藏拙
若有所成甘守株漢武巡遊虛軋軋秦皇吞併漫驅驅
如何只見丁家鶴依舊遼東歎綠蕪

水邊偶題

野水無情去不回
水邊花好為誰開
祇知事逐眼前過
不覺老從頭上來
窮似丘軻休歎息
達如周召亦塵埃
思量此理何人會
蒙邑先生最有才

西上

西上青雲未有期
東浮滄海去何遲
酒闌夢覺不稱意
花落月明空所思
長恐病侵多事日
可堪忙過少年時
鬪雞走狗五陵道
惆悵輸他輕薄兒

關亭春望

關畔春雲拂馬頭，馬前春事共悠悠。
風欺岸柳長條困，露浥山花小朵愁。
信越功名高似狗，裴王氣力大於牛。
未知至竟將何用，渭水涇泥一向流。

曲江春感

江頭日暖花又開，江東行客心悠哉。
高陽酒徒半凋落，終南山色空崔嵬。
聖代也知無棄物，侯門未必用非才。
一船明月一竿竹，家住五湖歸去來。

東歸途中作

松橘蒼黃覆釣磯
早年生計近年違
老知風月終堪恨
貧覺家山不易歸
別岸客帆和鴈落
晚程霜葉向人飛
買臣嚴助精靈在
應笑無成一布衣

金陵夜泊

冷烟輕靄傷衰叢
此夕秦淮駐斷篷
棲鴈遠驚沾酒火
亂鴉高避落帆風
地銷王氣波聲急
山帶秋陰樹影空
六代精靈人不見
思量應在月明中

早春巴陵道中

遠雪亭亭望未消
岳陽春淺自相饒
短蘆冒土初生笋
高柳偷風已弄條
波汎洞庭獺獺健
谷連荆楚鬼神妖
中流菱唱泊何處
一隻畫船蘭作橈

憶九華

九華巉崿廕柴扉
長憶前時此息機
黃菊倚風村酒熟
綠蒲低雨釣魚歸
干戈已是三年別
塵土那堪萬事違
回首佳期恨多少
夜闌霜露又沾衣

蓮塘驛

蓮塘館東初日明
蓮塘館西行人行
隔林啼鳥似相應
當路好花疑有情
一夢不須追往事
數杯猶可慰勞生
莫言來去只如此
君看鬢邊霜幾莖

登夏州城樓

寒聲獵獵戍旗風
獨倚危樓悵望中
萬里山河唐土地
千年魂魄晉英雄
離心不忍聽邊馬
往事應須問塞鴻
好脫儒冠從校尉
一枝長戟六鈞弓

春日獨遊禪智寺

遠樹連天水接空幾年行樂舊隋宮
花開花謝長如此人去人來自不同
鸞鳳調高何處酒吳牛蹄健滿車風
思量只合騰騰醉煮海平陳盡夢中

揚州開元寺閣上作

滿檻山川漾落暉檻前前事去如飛
雲中雞犬劉安過月裏笙歌煬帝歸
江甌海門帆散出地吞淮口樹相依
紅樓翠幕知多少長向東風有是非

覽晉史

張翰思吳中
鱸膾蓴羹

齊王僚屬好男兒，偶覓東歸便得歸。
滿目路岐拋似夢，一船風雨去如飛。
盤擎紫線蓴初熟，筋撥紅絲膾正肥。
惆悵中途無限事，與君千載兩忘機。

題潤州妙善寺前石羊

相傳吳主孫權與蜀
主劉備嘗此置會

紫髯桑蓋此沈吟，狠石猶存事可尋。
漢鼎未分聊把手，楚醪雖滿肯同心。
英雄已往時難問，苔蘚何知日漸深。
還有市鄽沽酒客，鵲鳩聚話話蹄涔。

題籌筆驛

拋擲南陽為主憂，北征東討盡良籌。
時來天地皆同力，運去英雄不自由。
千里山河輕孺子，兩朝冠劍恨譙周。
惟餘巖下多情水，猶解年年傍驛流。

春日登上元石頭城

萬里傷心極目春，東南王氣只逡巡。
野花相笑落滿地，山鳥自憐啼傷人。
漫道城池須險阻，可知豪傑亦埃塵。
太平寺主惟輕薄，却把三公與賊臣。

清溪江令公宅

鸞牋象管夜深時
曾賦陳宮第一詩
讌罷風流人不見
廢來蹤跡草應知
鶯憐勝事啼空谷
蝶戀餘香舞好枝
還有往年金甃井
牧童樵叟等閒窺

燕昭王墓

戰國蒼茫難重尋
此中蹤跡想知音
強停別騎山花曉
欲弔遺魂野草深
浮世近來輕駿骨
高臺何處有黃金
思量郭隗平生事
不殉昭王是負心

暇日投錢尚父

牛斗星邊女宿間，棟梁虛敞麗江關。
望高漢相東西閣，名重淮王大小山。
醴設鬪傾金鑿，落馬歸爭撼玉連環。
自慙麋鹿無能事，未報深恩鬢已斑。

春日投錢塘元帥尚父

正憂衰老辱金臺，敢望昭王顧問來。
門外旌旗屯虎豹，壁間章句動風雷。
三都節已聯翩降，兩地花應次第開。
若比紫髯分鼎足，未聞餘力有瓊瓌。

征東幕府十三州敢望非才忝上游官秩已叨吳品職
姓名兼顯魯春秋鹽車顧後聲方重火井窺來燭始浮

一句黃河千載事郢城王粲漫登樓

吳越備史云隱寢疾王親臨撫問因

題其壁云黃河信有澄清日後代應難繼此才隱起而續末句云門外旌旗屯虎豹壁間章句動風雷由是以

紅紗罩

覆其上

病中上錢尚父

左脚妨行右臂攣每慙名跡汙賓筵縱饒吳主容衰病
爭奈燕臺費料錢藜杖已乾難更把竹輦雖在不堪懸

深恩重德無言處回首浮生淚泫然

王函瓊檢下台司記得當時捧領時半壁龍蛇蟠造化
滿筐山嶽動神祇疲牛舐犢心猶切陰鶴鳴雛力已衰
穉子不才身抱疾日窺真跡淚雙垂

寄前宣州竇常侍

往年西謁謝玄暉尊酒留歡醉始歸曲檻柳濃鶯未老
小園花暖蝶初飛噴香瑞獸金三尺舞雪佳人玉一圍
今日亂離尋不得滿棊風雨釣魚磯

綿谷迴寄蔡氏昆仲

一年兩度錦江遊，前值東風後值秋。
芳草有情皆礙馬，好雲無處不遮樓。
山將別恨和心斷，水帶離聲入夢流。
今日因君試回首，澹烟喬木隔綿州。

寄南城韋逸人

杜甫詩中韋曲花，至今無賴尚家家。
美人曉折露沾袖，公子醉歸香滿車。
萬里丹青傳不得，二年風雨恨無涯。
羨他南澗高眠客，春去春來任物華。

夜泊毗陵無錫縣有寄

草蟲幽咽露初團，獨繫孤舟夜已闌。
濁浪勢奔吳苑急，疎鐘聲出慧山寒。
愁催鬢髮凋何易，貧戀家鄉別漸難。
他日親朋應大笑，始知書劍是無端。

寄處默師

甘露捲簾看雨脚，樟亭倚柱望潮頭。
十年顧我醉中過，兩地與師方外遊。
久隔兵戈長寄夢，近無書信更堪憂。
香爐烟靄虎溪月，終棹鐵船尋惠休。

送宿松傅少府

江籬漠漠樹重重東過清淮到宿松
縣好也知臨皖水官閒應得看瀟峯
春生綠野吳歌怨雪霽平郊楚酒濃
留取餘杯待張翰明年歸棹一從容

送張綰遊鍾陵

南憶龍沙兩岸行當時天下尚清平
醉眠野寺花方落吟倚江樓月欲明
老去亦知難重到亂來爭肯不牽情
西山十二真人在從此煩君話姓名

早春送處士張坤歸汴州

蕭蕭羸馬正塵埃又送歸軒向吹臺別酒莫辭今夜醉
故人知是幾時來泉經華嶽猶應凍花到梁園始合開
為謝東門抱關吏不堪惆悵滿離杯

篋中得故王郎中書

鳳皇前年別望郎叮嚀唯恐滯吳鄉勸疎杯酒知妨事
乞與書題作裏糧革鹿未能移海曲縣花尋已落河陽
九原自此無因見反覆遺蹤淚萬行

中秋月

湖上風高動白蘋，暫延清景此逡巡。
隔年為別因何事，半夜相看似故人。
蟾向靜中矜爪距，兔俚明處弄精神。
姮娥老大應惆悵，獨倚蒼蒼桂一輪。

梅花

吳王醉處十餘里，照夜拂衣今正繁。
經雨不隨山鳥散，倚風如共路人言。
愁憐粉艷飄歌席，靜愛寒香撲酒樽。
欲寄所思無好信，為君惆悵又黃昏。

杏花

暖觸衣襟漠漠香間梅遮柳不勝芳數枝艷拂文君酒
半里紅歌宋玉牆盡日無人疑悵望有時經雨乍淒涼
舊山山下還如此迴首東風一斷腸

牡丹

似共東風別有因絳羅高捲不勝春若教解語應傾國
任是無情亦動人芍藥與君為近侍芙蓉何處避芳塵
可憐韓令功成後辜負穠華過此身

藝苑雄黃云元和
中韓弘罷宣武歸

長安命斲去第中牡丹曰吾豈效兒女輩耶北夢瑣言云隱與周繇分深繇謂隱曰閣下有女韜子詩極為絕唱隱不喻何為曰若教解語應傾國任是無情亦動人隱撫掌大笑

贈妓雲英

鍾陵醉別十餘春重見雲英掌上身我未成名君未嫁

可能俱是不如人

鑑戒錄云鍾陵妓雲英隱與舊下第見之雲英曰羅秀才當尚未脫白隱

贈詩

感弄猴人賜朱紱

十二三年就試期五湖煙月奈相違何如學取孫供奉

一笑君王便著緋

幕府燕閒錄云唐昭宗播遷隨駕伎藝人止有弄猴者猴頗馴能隨班起

居昭宗賜以緋袍號孫供奉故羅隱有詩云云朱梁篡位取此猴令殿下起居猴望殿陛見全忠徑趨其所跳

躍奮擊遂令殺之唐臣愧此猴多矣

題蟠溪垂釣圖

呂望當年展廟謨直鉤釣國更誰如若教生在西湖上

也是須供使宅魚

錢氏有國西湖漁者日納魚數斤謂之使宅魚隱題此圖遂謁其徵

七夕

月帳星房次第開兩情惟恐曙光催時人不用穿針待

沒得心情送巧來

小松

已有清陰逼坐隅，愛聲仙客肯過無。陵遷谷變須高節。

莫向人間作大夫。

因學紀聞云：昭諫咏松云云，其志亦可悲矣。唐六臣彼何人哉！昭諫說錢

鏐舉兵討梁，其忠義可見。視奴事朱溫之杜荀鶴，猶糞土也。

柳

灞岸晴來送別頻，相偎相倚不勝春。自家飛絮猶無定，爭把長條絆得人。

題新榜

黃土原邊狡兔肥
犬如流電馬如飛
灞陵老將無功業
猶憶當時夜獵歸

鄭谷

谷字若愚袁州人故永州刺史之子幼年司空圖
與刺史同院見而竒之曰曾吟得丈夫詩否曰吟
得莫有病否曰丈夫曲江晚望斷篇云村南斜日
閒回首一對鴛鴦落渡頭即深意矣司空歎息撫

背曰當為一代風騷主乾寧中為都官郎中谷詩名盛於唐末人多傳諷號為鄭都官而弗名也

谷自序曰谷勤苦風雅騎竹之年即有賦咏同年古川守李公朋同官馬博士戴嘗撫頂歎勉謂他日必垂名及冠求試春闈歷千大匠故少師相國太原公深推獎之故薛許昌能李建州頻不以晚輩見待預於唱和之流所得為多登第之後孜孜忘倦甚於始學喪亂奔離散墜畧盡乾寧初上幸

三峯寓止雲臺道舍拾隆補遺編成三百首分為
三卷目之為雲臺編所不能自負初心非敢矜於
作者

紀事曰咸通中谷與張喬許崇諸人同有詩名稱
十哲

近體詩

潼關道中

白道曉霜迷
籬燈照馬嘶
秋風滿關樹
殘月隔河雞
來

往非無倦窮通豈易齊何年歸故社披雨剪春畦

旅寓洛南村舍

村落清明近鞦韆稚女誇春陰妨柳絮月黑見梨花白
鳥窺魚網青帘認酒家幽棲雖自適交友在京華

登杭州城

漠漠江天外登臨返照間潮來無別浦木落見他山沙
鳥晴飛遠漁人夜唱閒歲窮歸未得心逐片帆還

潯陽姚宰廳作

縣幽公事稀庭草是山薇足得招碁侶何妨著道衣野
泉當案落浴路鳥入衙飛寺去東林近多應隔宿歸

書村叟壁

草肥朝牧牛桑綠晚鳴鳩列岫簷前見清泉碓下流春
蔬和雨割社酒向花笏引我南陂去籬邊有小舟

張谷田舍

縣官清且儉深谷有人家一徑入寒竹小橋穿野花碓
喧春澗滿梯倚綠桑斜自說年來稔前村酒可賒

梁燭處士辭金陵相國杜公歸舊山因以寄贈

相庭留不得江野有苔磯
兩浙尋山遍孤舟載鶴歸
世間書讀盡雲外客來稀
諫署搜賢急應難惜布衣

久不得張喬消息有寄

天末去程孤沿淮復向吳
亂離何處甚安穩到家無樹
盡雲垂野檣稀月滿湖傷心
遶村路應少舊耕夫

夕陽

夕陽秋更好
瀲瀲蕙蘭中
極浦明殘雨
長天急遠鴻
僧

窓留半榻漁舸透疎篷莫恨清光盡寒蟾卽照空

趙璘郎中席上賦蝴蝶

尋艷復尋香似閨還似忙煖烟沈蕙徑微雨宿花房書
幌輕隨夢歌樓悞採妝王孫深屬意繡入舞衣裳

乖慵

乖慵居竹裏涼冷卧池東一霎芰荷雨幾迴簾幙風遠
僧來叩寂小吏笑書空衰鬢霜供白愁顏酒借紅扇輕
搖鷺羽屏古畫漁翁自得無端趣琴碁舫子中

迴鑿

妖星沈雨露和氣滿京關上將忠勲立明君法駕還順
風調雅樂夾道叙羣班香泛傳宣裏塵清指顧間樓臺
新紫氣雲物舊黃山曉涓行朝肅秋郊曠望間廟靈安
國步日角動天顏浩浩昇平曲流歌徹百蠻

故少師從翁隱巖別墅亂後榛蕪感舊愴懷遂有

追紀

鄭薰歸老號
所居為隱巖

風騷為主人凡俗仰清塵密行稱閨闈明誠動縉紳周

旋居顯重內外掌絲綸妙主蓬壺籍忠為社稷臣大儀

牆仞峻東轄紀綱新聞善常開口推公豈為身立朝鳴

珮重歸宅典衣貧半醉看花晚中食煮菜春晴臺隨鹿

上幽墅結僧鄰理論知清越

清越江左詩僧孤卿待之甚厚

生徒得李

頻藥香沾筆研竹色染衣巾寄鶴眠雲叟騎驢入室賓

咸通中舉子乘馬唯張喬跨驢喬詩苦道真孤卿廷之門下

近將姚監比

自姚秘監合主張風

雅後孤卿一人而已

僻與段卿親

段少常成式與學辛勤章句入微孤卿為前序

葉積池

邊路茶遲雪後薪所難留著述誰不秉陶鈞喪亂時多

變追思事已陳浮華重發作雅正甚湮淪宗從今何在

依棲素有因七松無影響

孤卿植小松七木自號七松處士異代對五柳先生

雙

淚益悲辛猶喜于門秀年來屈復伸

班郎孤卿姪孫登進士科級也

闕下春日

建昌宮殿紫雲飄春漏遲遲下絳霄綺陌暖風嘶去馬
粉廊初日照趨朝花經宿雨香難拾鶯在豪家語更嬌
秦楚年年有離別揚鞭揮袖灞陵橋

自貽

飲筵博席與心違野眺春吟更自誰琴有澗風聲轉澹

詩無僧字格還卑

方回云谷詩多用僧字凡四十餘處

恨拋水國釣蓑雨

貧過長安櫻筍時

唐制四月十五日自堂厨至百司厨謂之櫻筍時

頭角英髦

應指笑權門蹤跡獨差池

蜀中

馬頭春向鹿頭關遠樹平蕪一望閒雪下文君沽酒市
雲藏李白讀書山江樓客恨黃梅後村落人歌紫芋間
堤月橋燈好時景漢庭無事不征蠻

夜多無雨曉生塵草色嵐光日日新
蒙頂茶畦千點露
浣花牋紙一溪春
楊雄宅在惟喬木
杜甫臺荒絕舊鄰
却共海棠花有約
數年留滯不歸人

渚遠江清碧簟紋
小桃花繞薛濤墳
朱橋直指金門路
粉堞高連玉壘雲
窓下斷琴翹鳳足
波中濯錦散鷗羣
子規夜夜啼巴蜀
不並吳鄉楚國聞

慈恩寺偶題

往事悠悠添浩歎
勞生擾擾竟何能
故山歲晚不歸去

高塔晴來獨自登
林下聽經秋苑鹿
江邊掃葉夕陽僧
吟餘却起雙峯念
曾看庵西瀑布冰

少華甘露寺

石門蘿徑與天鄰
雨檜風篁遠近聞
飲澗鹿喧雙派水
上樓僧踏一梯雲
孤煙薄暮關城沒
遠色初晴渭曲分
長憶燃香來此宿
北林猿鶴舊同羣

江際

杳杳漁舟破暝煙
疎疎蘆葦舊江天
那堪流落逢搖落

可得潛然是偶然萬頃白波迷宿鷺一林黃葉送殘蟬
兵車未息年華促早晚閒吟向滄川

蜀中春日

海棠風外獨沾巾襟袖無端惹蜀塵和暖又逢挑菜日
寂寥未是探花人不嫌蟻酒衝愁肺却憶漁蓑覆病身
何事晚來微雨後錦江春學曲江春

渚宮亂後作

鄉人來話亂離情淚滴殘陽問楚荆白社已應無故老

清江依舊遶空城，高秋軍旅齊山樹。昔日漁家盡野營，
牢落故居灰燼後。黃花綠蔓上牆生。

松

下視垂楊拂路塵，雙峯石上覆苔文。濃霜滿徑無紅葉，
晚日高枝有白雲。春砌花飄僧旋掃，寒溪子落鶴先聞。
那堪寂寞悲風起，千樹深藏李白墳。

竹

宜煙宜雨又宜風，拂水藏村復間松。移得蕭騷從遠寺，

洗來疎淨見前峯
侵堦蘚拆春芽迸
繞徑莎微夏蔭濃
無賴杏花多意緒
數枝穿翠好相容

鴈

八月悲風九月霜
蓼花紅澹葦條黃
石頭城下波搖影
星子灣西雲間行
驚散漁家吹短笛
失羣征戍鎖殘陽
故鄉聞爾亦惆悵
何況扁舟非故鄉

燕

年去年來來去忙
春寒烟暝渡瀟湘
低飛綠岸和梅雨

亂入紅樓揀杏梁
閒几硯中闕水淺
落花徑裏得泥香
千言萬語無人會
又逐流鶯過短牆

鷓鴣

煖戲煙蕪錦翼齊
品流應得近山雞
雨昏青草湖邊過
花落黃陵廟裏啼
遊子乍聞征袖濕
佳人纔唱翠眉低
相呼相喚湘江濶
苦竹叢深春日西

谷以此詩得名
時號為鄭鷓鴣

温處士能畫鷓鴣以四韻換之

昔年吟醉遶江籬
愛把漁竿伴鷓鴣
聞說小毫能縱逸

敢憑輕素寫幽奇
洎洎浪濺牽菱蔓
戛戛風披折葦枝
得向晚窓閒挂翫
雪衰煙艇恨無遺

嘉陵

細雨濕萋萋
人稀江日西
春愁腸已斷
不待子規啼

靜吟

騷雅荒涼我自安
月和餘雪夜吟寒
相門相客應相笑
得句勝于得好官

亂後灞上

柳絲牽水杏房紅烟岸人稀草色中日暮一行高鳥處
依稀合是望春宮

重訪黃神谷東禪者

初塵芸閣來禪閣却訪支郎是老郎我趣轉卑師趣靜
數峯秋雪一爐香

淮上漁者

白頭波上白頭翁家逐船移浦浦風一尺鱸魚新釣得
兒孫吹火荻花中

席上貽歌者

花月樓臺近九衢清歌一曲倒金壺座中亦有江南客
莫向春風唱鷓鴣

淮上與友人別

揚子江頭楊柳春楊花愁殺渡江人數聲風笛離亭晚
君向瀟湘我向秦

蜀中賞海棠

濃澹芳春滿蜀鄉半隨風雨斷鶯腸沅花溪上堪惆悵

子美無心為發揚

杜工部居兩蜀詩
集中無海棠之題

曲江春草

花落江堤簇暖烟
雨餘草色遠相連
香輪莫碾青青破
留與愁人一醉眠

張喬

喬池州人有詩名咸通中與許崇鄭谷張瓊諸人
同號十哲巢寇之亂罷舉隱九華

鄭谷云咸通舉子乘馬喬獨乘驢喬詩苦道真鄭

少師薰嘗延之門下亦受知於薛尚書能

近體詩

曲江春

尋春與送春多遶曲江濱
一片鳧鷖水千秋輦轂塵
涼隨衆木波影送遊人
自是遊人老年年管吹新

秋夕

春恨復秋悲秋悲難到時
每逢明月夜長起故山思
巷僻行吟遠蛩多獨卧遲
溪僧與樵客動別十年期

遊少華山甘露寺

少華中峯寺高秋衆景歸地連秦塞起河隔晉山微晚
木蟬相應涼天鴈並飛慙勤記巖石祇恐再來稀

滕王閣寫望

昔人登覽處遺閣大江隅疊浪有時有閒雲無日無早
涼先鷺去返照後帆孤未得營歸計菱歌滿舊湖

華山

誰將倚天劍削出倚天峯衆水背流急他山相向重樹

黏青靄合崖夾白雲濃一夜盆傾雨前湫起毒龍

郢州即事

孤城臨遠水千里見寒山白雪無人唱滄洲盡日間鳥
歸殘燒外帆出斷雲間此地秋風起應隨計吏還

江行夜雨

江風木落天遊子感流年萬里波連蜀三更雨到船夢
殘燈影外愁積葦叢邊不及樵漁客全家住島田

題鄭侍御藍田別業

秋山清若水吟客靜於僧小徑通商嶺高窓見杜陵雲
霞朝入鏡猿鳥夜窺燈許作前峯侶終來寄上層

送許崇下第遊蜀

天下猿多處西南是蜀關馬登青壁瘦人宿翠微閒帶
雨逢殘日因江見斷山行歌風月好莫落錦城間

經隱巖舊居

夜久村落靜徘徊楊柳津青山猶有路明月已無人夢
寐生前事星霜倦此身嘗期結茅處來往躡遺塵

蟬

先秋蟬一悲長是客行時
曾感去年客又鳴何處枝
細聽殘韻在迴望舊聲遲
斷續誰家樹涼風送別離

華山

青蒼河一隅氣狀杳難圖
卓傑三峯出高竒四岳無力
疑擎上界勢獨壓中區
象水東南走羣山遠近趨
天迴諸宿照地聳百靈扶
石壁烟霞麗龍潭雨雹麗
澄凝臨甸服險固束神都
淺覺川原異深應日月殊
鶴歸青靄

合仙去白雲孤瀑溜斜飛凍松長倒掛枯每來尋洞穴
不擬返江湖儻有芝田種巖間老一夫

謝公亭懷古

謝家煙徑長莓苔宇落虛擱竹上開流水不將山色去
閒雲時帶角聲來六朝舊跡遺詩在三楚空江有雁迴
達理始應惆悵盡因僧清話憶天台

題河中鸛雀樓

高樓懷古動悲歌鸛雀今無野雀過樹隔五陵秋色早

水連三晉夕陽多
漁人遺火成寒燒
牧笛吹風起夜波
十載重來值搖落
天涯歸計欲如何

宴邊將

一曲涼州金石清
邊風蕭颯動江城
坐中有老沙場客
橫笛休吹塞上聲

寄山僧

閒倚蒲團向日眠
不能歸老岳雲邊
舊時僧侶無人在
惟有長松見少年

邵謁

謁韶州翁源人少博聞為縣吏客至今怒不措牀
逐去遂截髻著縣門發憤讀書平居如里中兒未
冠者束髮苦吟尤能工古調尋抵京師隸國學時
溫庭筠主試乃榜其詩三十餘篇以振公道已而
釋褐後赴官不知所終

徐獻忠曰邵君數竒分淺發憤苦吟雖質木盈餘
績藻乏缺要之泗石未雕終非俗品

古體詩

古樂府

對酒彈古琴弦中發新音新音不可辨十指幽怨深妾
顏不自保四時如車輪不知今夜月曾照幾時人露滴
芙蓉香銷心亦死良時無可留殘紅謝池水

寒女吟

寒女命自薄生來多賤微家貧人不聘一身無所歸養
蠶徒苦心繭熟他人絲織素徒苦力素成他人衣青樓

富家女纔生便有主終日著羅綺何曾識機杼清夜聞
歌聲聽之淚如雨他人如何歡我意又何苦所以問皇
天皇天竟無語

自歎

春蠶未成繭已賀箱籠實蟄子徒有絲終年不成疋每
念古人言有得則有失我命獨如何憔悴長如一白日
九衢中幽獨暗如漆流泉有枯時窮賤無盡日惆悵復
惆悵幾回新月出

覽鏡

一照一回悲再照顏色衰
日月自流水不知身老時
昨日照紅顏今朝照白絲
白絲與紅顏相去咫尺間

苦別離

十五為君婚二十八君門自從入戶後見君長出門朝
看相送人暮看相送人若遣折楊柳此地樹無根願為
陌上土得作馬蹄塵願為曲木枝得作雙車輪安得太
行山移來君馬前

望行人

登樓恐不高及高君已遠雲行郎即行雲歸郎不返嗟
為樓上人望望不相近若作轍中泥不放郎車轉白日
下西山望盡妾腸斷

御定全唐詩錄卷九十一

欽定四庫全書

御定全唐詩錄卷九十二

吳融

融字子華越州山陰人

融有田在長洲東百里松江傍為詩云故隱茅山西

今來笠澤溪
蓋嘗寓吳云

融力學富辭調龍紀初及進士第韋

昭度討蜀表掌書記遷侍御史坐累去官流浪荆

南依成汭久之召為左補闕以禮部郎中為翰林

學士拜中書舍人昭宗反正御南闕羣臣稱賀融

最先至於是左右歎駭帝有指授疊十許藁融跪
作詔少選成語當意詳帝咨賞良厚進戶部侍郎
鳳翔劫遷融不克從去客闕鄉俄召還翰林遷承
旨

古體詩

贈李長史歌

并序

余客武康縣既旬日將去邑長相餞於溪亭座
中有李長史袖出蘆管自請聲以送客且言我

業此二十年年少時五陵豪俠無不與之遊梨
園新聲一聞之明日皆出我下洎巢賊腥穢宮
闕逃難於東江淮間非吾土又無樂音敝衣旅
食雙鬢雪然風月好時或亭臯送別必引滿自
勸不能忘情一曲未終泣然承睫越烏胡馬之
感感動傍人羅進士隱初遇金陵有贈詩尚能
成誦在口余憫李之流落仰羅之所感故贈之
時光啓戊申歲清明月之八日

危欄壓溪溪澹碧翠裏紅飄鶯寂寂此日長亭愴別離
座中忽遇吹蘆客雙攘輕袖當高軒含商吐羽凌非煙
初疑一百尺瀑布八九月落香爐巔又似鮫人為客罷
迸淚成珠玉盤瀉碧珊瑚碎震澤中金銀鐺撼龜山下
鏗勺揭調初驚人幽咽細聲還感神紫鳳將雛叫山月
玄兔喪子啼江春洛嗟長史出人藝如何值此艱難際
可中長似承平基肯將此為閒人吹不是東城射雉處
即應南苑鬪雞時白櫻桃熟每先賞紅芍藥開長有時

賣珠曾被武皇問，薰香不怕賈公知。今來流落一何苦，
江南江北九寒暑。翠華猶在橐泉中，一曲梁州淚如雨。
長史長史聽我語，從來藝絕多失所。羅君贈君兩首詩，
半是悲君半自悲。

李周彈箏歌

淮南韋太尉席上贈

古人云絲不如竹，竹不如肉，乃知此語未必然。李周彈
箏聽不足，聞君七歲八歲時，五音六律皆生知。就中十
三絃最妙，應宮出入年方少，青驄慣走長楸，日幾度承

恩蒙召急一字鴈行斜御筵鏘金戛羽凌非烟始似五
更初殘月裏淒淒切切清霜蟬又如盤石罅堆葉下冷
冷瀝瀝蒼崖泉鴻門玉斗初向地織女金梭飛上天有
時上苑繁花發有時太液秋波濶當頭獨坐擬一聲滿
座好風生拂拂天顏開聖心悅紫金白珠霑賜物出來
無暇更還家且上書樓卧明月年將六十藝轉精日寫
梨園新曲聲近來一事還惆悵故里春荒烟草平供奉
且聽語自昔興衰看樂府祇如伊州與梁州盡是太平

時歌舞旦夕君王繼此聲不要停絃淚如雨

太湖石歌

洞庭山下湖波碧波中萬古生幽石鐵索千尋取得來
奇形怪狀誰能識初疑朝家正人立又如戰士方徂擊
又如防風死後骨又如於菟活時額又如成人楓又如
害癭柏雨過上停泓風來中有隙想得沈潛水府時興
雲出雨蟠蛟螭今來砮矧林庭上長恐忽然生白浪用
時應不稱媧皇將去也堪隨博望噫嘻爾石好憑依幸

有方池并釣磯小山叢桂且為伴鐘阜白雲長自歸何
必豪家甲第裏玉闌干畔爭光輝一朝荆棘忽流落何
異綺羅雲雨飛

近體詩

端居

片雨過前汀端居枕簟清病魔隨暑退詩思傍涼生別
燕殷勤語殘蟬彷彿鳴古來悲不盡况我本多情

途中

柳弱風長在雲輕雨易休不勞芳草色更惹夕陽愁萬
里獨歸去五陵無與遊春心漸傷盡何處有高樓

出潼關

重門隨地險一逕入天開華岳眼前盡黃河腳底來飛
軒何滿路丹陛正求才獨我無成者飄然又此回

途次淮口

寒流萬派碧南渡見煙光人向隋宮近山盤楚塞長有
邨皆綠暗無徑不紅芳已帶傷春病如何更異鄉

西陵夜居

寒潮落遠汀，暝色入柴扃。
漏永沈沈靜，燈孤的的青。
林風移宿鳥，池雨定流螢。
盡夜成愁絕，啼蛩莫近庭。

登途懷友人

日落野原秀，雨餘雲物閒。
清時正愁絕，高處更躋攀。
京洛遙天外，江河戰鼓間。
孤懷欲誰寄，應付塞鴻還。

題越州法華寺

寺在五峯陰，穿緣一徑尋。
雲藏古殿暗，石護小房深。
宿

鳥連僧定寒猿應客吟上方應見海月出試登臨

春詞

鸞鏡長侵夜鴛衾不識寒羞多轉面語妬極定睛看金
市舊居近鈿車新造寬春期莫相誤一日有花殘

即席

家住叢臺舊名參絳圃新醉波疑奪燭嬌態欲沈春伴
雨聊過楚歸雲定占秦桃花正濃煖爭不浪迷人

出遲

園密花藏易樓深月到難酒虛留客盡燈暗遠更殘麝
想眉間印鴉知頂上盤文王之圃小莫惜借人看

戲作

恨極同填海情長抵導江丁香從小結蓮子徹枝雙整
髻花當檻吹燈月在窓秦臺非久計早晚降霓幢

湖州溪樓書獻鄭負外

危檻等飛檣閒追晚際涼青林上雨色白鳥破溪光目
以高須極心因靜更傷唯公舊相許早晚侍長楊

夏夜有寄

月上簾如水軒高簾在鉤竹聲寒不夏蛩思靜先秋偶
得青霄興方知白日愁所思何處遠斜漢欲低流

詠柳

自與鶯為地不教花作媒細應和雨斷輕祇愛風裁好
拂錦步幃莫遮銅雀臺灞陵千萬樹日暮別離回

赴闕次留獻荆南成相公三十韻

分閫兼文德持衡有武功荆南知獨去海內更誰同拔

地孤峯秀當天一鶚雄雲生五色筆月吐六鈞弓骨格
凌秋聳心源見底空神清食沈瀼氣逸飲洪濛臨事成
奇策全身仗至忠解鞍欺李廣煮弩笑臧洪往昔逢多
難來茲故統戎卓旗雲夢澤撲火細腰宮鏟土樓臺構
連江雉堞籠似平鋪掌上疑湧出壺中豈是勞人力寧
因役鬼工本遺三戶在今匝萬家通畫舸橫青雀危檣
列綵虹席飛巫峽雨袖拂宋亭風場廣盤毬子池間引
釣筒禮賢金壁賤煦物雪霜融酒滿梁塵動碁殘漏滴

終儉常資澹靜貴絕恃穹崇唯要臣誠顯那求帝渥隆
甘棠名異與大樹姓非馮自念為遷客方諧謁上公痛
知遭止棘頻歎委飄蓬借宅誅茅綠分困指粟紅只慚
燕館盛寧覺阮途窮渙汗霑明主滄浪別釣翁去曾憂
塞馬歸欲逐邊鴻積感深於海銜恩重極嵩行行柳門
路回首下離東

賦得欲曉看妝面

朧朧欲曙色隱隱辨殘妝月始雲中出花猶霧裏藏眉

邊全失翠額畔半留黃轉入金屏影侵角枕先有蟬
墮鬢樣無燕著釵行十二峯前夢如何不斷腸

和韓致光侍郎無題

珠佩元消暑犀簪自辟塵掩燈容燕宿開鏡待雞晨去
嬾都忘舊來多未厭新每逢憂是夢長憶故延真杏小
雙圓壓山濃兩點嚙瘦難勝寶帶輕欲馭飈輪篋鳳金
雕翼釵魚玉鏤鱗月明無睡夜花落斷腸春解舞何須
楚能箏可在秦怯探同海底稀遇極天津綠柰攀宮艷

青梅弄嶺珍管織銀字咽梭密錦書勻厭勝還隨俗無
疑不避人可憐三五夕武媚善為隣

舞轉輕輕雪歌霏漠漠塵漫遊多卜夜慵起不知晨玉
筋和妝衰金蓮逐步新鳳笙追北里鶴馭訪南真有恨
都無語非愁亦有嘖戲應過蚌浦飛合入蟾輪杯樣成
言烏梳文解卧鱗逢迎大堤晚離別洞庭春似玉曾誇
趙如雲不讓秦錦收花上露珠引月中津木為連枝貴
禽因比翼珍萬峰酥點薄五色繡妝勻獺髓求魚客鮫

綃託海人寸腸誰與達洞府四無鄰

綺閣臨初日銅臺拂暗塵鷓鴣偏報曉烏鴉慣驚晨魚
網裁書數鷓絃上曲新病多疑厄重語切見心真子母
錢徵笑西南月借嘖擣衣嫌獨杵分袂怨雙輪貝葉教
丹嘴金刀寄赤鱗捲簾吟塞雪飛楫渡江春解織宜名
蕙能歌合姓秦眼穿回鴈嶺魂斷飲牛津藥自偷來絕
香從竊去珍茗煎雲沫聚藥種玉苗勻草密應迷客花
繁好避人長干足風雨遙夜與誰隣

倒次元韻

南陌來尋伴東城去卜鄰生憎無賴客死憶有情人似
束腰支細如描髮彩勻黃鸝裁帽貴紫燕刻釵珍身近
從淄右家元接觀津雨臺誰屬楚花洞不知秦淚滴空
牀冷妝濃滿鏡春枕涼欹琥珀簟潔展冰鱗茂苑廊千
步昭陽扇九輪陽城迷處笑京兆畫時嘖魚子封牋短
蠅頭學字真易判期已遠難諱事還新艇子愁衝夜驪
駒怕拂晨如何斷歧路免得見行塵

箇人三十韻

娟娟復盈盈何年墜玉京見人還道姓羞客不稱名故
事諳金谷新居近石城臉橫秋水溢眉拂遠山青粉薄
塗雲母簪寒簦水晶催來兩槩送怕起五絲紫髻學盤
桓縮床依宛轉成博山凝霧重油壁隱車輕額點梅花
樣心通棘刺情搔頭邀顧遇指約到平生魚網徐徐襞
螺卮淺淺傾芙蓉褥已展葢菴水休更趙女憐膠臉丁
娘愛燭明炷香龍薦腦辟魘虎輸睛管咽參差韻絃嘈

凌僿聲花殘春寂寂月落漏丁丁柳絮聯章敏椒花屬
思清剪羅成綵字銷蠟脫朱纓邂逅當投珮艱難莫拊
楹慰來身熱定舐得面痕平匣鏡金螭怒簾旌繡獸獰
頸長堪鶴並腰細任蜂爭滴淚泉饒竭論心石未貞必
雙成鳳去豈獨化蟬鳴書遠腸空斷樓高膽易驚數錢
紅帶結鬪草舊裾盛映柳闌干小侵波畧約橫夜愁遙
寄鴈曉夢半和鶯翼祇思鶉比根長羨藕并可憐衣帶
緩休賦重行行

雪十韻

灑密蔽璇穹
霏霏杳莫窮
遲於雨到地
疾甚絮隨風
四野蒼茫際
千家晃朗中
夜迷三繞鵲
晝斷一行鴻
結片飛瓊樹
裁花照禁宮
壅應邊盡北
填合海無東
高愛危峰積
低愁暖氣融
月鄰都浩渺
日射更玲瓏
送臘辭寒律
迎春入舊叢
自憐曾未至
聊復賦玄功

賦雪十韻

雨凍輕輕下
風乾淅淅吹
喜勝花發處
驚似客來時
河

靜膠行棹崑空響折枝終無鷓鴣識先有鶴鴒知馬勢
晨爭急鷓鴣聲晚更饑替霜嚴柏署藏月上龍墀百尺樓
堪倚千錢酒要追朝歸紫閣早漏出建章遲臘候何曾
爽春工是所資遙知故溪柳排比萬條絲

賦雪

一夜陰風度平明顥氣交未知融結判唯見混茫包路
莫藏行跡林難出樹梢氣應封獸穴險必墮禽巢影密
燈回照聲繁竹迭敲翫宜酥讓點飡稱蜜同抄結凍防

魚躍粘沙費馬跑爐寒資蕪荻屋暖賴編茅遠不分山
疊低宜失地坳闌干高百尺新霽若為拋

古錦裾六韻

錦上有鸚鵡
陸處士有序

濯水經何日隨風故有人綠衣猶偏畫丹頂尚迷真暗
澹雲沉古青蒼蘚剝新映襟知惹淚侵韉想縈塵掣曳
無由覩流傳久自珍武威應認得牽挽幾當春

敗簾六韻

有客編來久彌年斷不收不堪風作候豈復燕為雙
盡

見三重閣難迷百尺樓伴燈微掩夢兼扇劣遮羞零落
亡珠綴殷勤謝玉鈎涼宵何必捲月自入軒流

追詠棠梨花十韻

蜀地從來勝棠梨第一花更應無軟弱別自有妍華不
貴綃為霧難降綺作霞移時歸紫府駐合餌丹砂密映
彈琴宅深藏賣酒家夜宜紅蠟照春稱錦筵遮連廟魂
棲望飄江字遶巴未饒酥點薄兼妒雪飛斜舊賞三年
斷新期萬樹賒長安如種得誰定牡丹誇

上陽宮辭

苑路青青半是苔，翠華西去未知回。
景陽春漏無人報，太液秋波有鴈來。
單影可堪明月照，紅顏無奈落花催。
誰能賦得長門事，不惜千金奉酒杯。

偶書

青牛關畔寄孤村，山當屏風石當門。
芳樹綠陰連蔽芾，長河飛浪接崑崙。
苔田綠後蛙爭聚，麥隴黃時雀更喧。
只此無心便無事，避人何必武陵源。

書懷

傍巖依樹結蒼楹
夏物蕭疎景更清
灘響忽高何處雨
松陰自轉遠山晴
見多隣犬遙相認
來慣幽禽近不驚
爭得便誇饒勝事
九衢塵裏免勞生

春晚書懷

落盡紅芳春意闌
綠蕪空鏤辟疆園
嫦娥斷影霜輪冷
帝子無蹤淚竹繁
未達東林還絕想
不勞南浦更銷魂
晚來雖共殘鶯約
爭奈風淒又雨昏

偶題

賤子曾塵國士知，登門倒屣憶當時。
西州酌盡看花酒，東閣編成詠雪詩。
莫道精靈無伯有，尋聞任俠報爰絲。

烏衣舊宅猶能認，粉竹金松一兩枝。

按融為韋昭度掌記受知似深韋在

相位崔昭緯仗而殺之後昭緯勢敗亦被殺於荆南韋之死類晁錯故比昭緯於爰絲方回以為感恩之言是矣獨疑為朱溫之徒則失考耳

即事

抵鵲山前寄掩扉，便甘終老脫朝衣。
曉窺清鏡千峯入

暮倚長松獨鶴歸
雲裏引來泉脈細
雨中移得藥苗肥
何須一筋鱸魚膾
始挂孤帆問釣磯

秋日經別墅

別墅蕭條海上村
偶期蘭菊與琴樽
簷橫碧嶂秋光近
樹帶寒潮晚色昏
幸有白雲眠楚客
不勞芳草思王孫
北山移去前文在
無復教人歎曉猿

禁直偶書

玉皇新復五城居
仙館詞臣在碧虛
鈎砌看翻紅芍藥

鏤窓選詠碧蟾蜍敢期林上靈鳥語貪草雲間彩鳳書
爭奈滄洲頻入夢白波無際落紅蕖

憶釣舟

青山小隱枕潺湲一葉垂綸幾泝泂後浦春風隨興去
南塘秋雨有時眠慣衝曉霧驚羣鴈愛颭殘陽入亂煙
回首無人寄惆悵九衢塵土困揚鞭

海上秋懷

辭無珪組隱無才門向潮頭過處開幾度黃昏逢罔象

有時紅旭見蓬萊
積連荒戍頻頻火
天絕纖雲徃徃雷
昨夜西風已搖落
那堪更上望鄉臺

東歸次瀛上

暖煙輕澹草霏霏
一片晴山襯夕暉
水露淺沙無客泛
樹連疎苑有鶯飛
自從身與滄浪別
長被春教寂寞歸
回首青門不知處
向人楊柳莫依依

靈寶縣西

碧溪歛歛流殘陽
晴沙兩兩眠鴛鴦
柳花無賴苦多暇

蛺蝶有情長自忙，千里宦遊成底事。每年風景是他鄉，
高歌一曲垂鞭去。盡日無人識楚狂。

重陽日荊州作

萬里投荒已自哀，高秋寓目更徘徊。濁醪任冷難辭醉，
黃菊因暄却未開。上國莫歸戎馬亂，故人何在塞鴻來。
驚時感事俱無奈，不待殘陽下楚臺。

春歸次金陵

春陰漠漠覆江城，南國歸橈趁晚程。水上驛流初過雨，

樹籠堤處不離鶯跡疎冠蓋兼無夢地近鄉園自有情
更被東風動離思楊花千里雪中行

湖州晚望

鼓角迎秋晚韻長斷虹疎雨間微陽兩條溪水分頭碧
四面人家入骨涼獨鳥歸時雲鬪迴殘蟬急處日爭忙
他年若得壺中術一簇汀洲盡貯將

閒望

三點五點映山雨一枝兩枝臨水花
蛺蝶狂飛掠芳草

鴛鴦穩睡翹暖沙闕下新居成別業江南舊隱是誰家
東遷西去俱無計却羨暝歸林上鴉

富春

水送山迎入富春一川如畫晚晴新雲低遠渡帆來重
潮落寒沙鳥下頻未必柳間無謝客也應花裏有秦人
巖光萬古清風在不敢停橈更問津

兩岼山花中有溪山花紅白徧高低靈源忽若乘槎到
仙洞還同採藥迷二月辛夷猶未落五更鴉舅最先啼

茶煙漁火遙看處一片人家在水西

宋玉宅

草白煙寒半野陂臨江舊宅指遺基已懷湘浦招魂事
更憶高唐說夢時穿徑早曾聞客住登牆豈復見人窺
今朝送別還經此吟斷當年幾許悲

關西驛亭即事

晚霞零落雨初收關上危欄獨悵留千里好春聊極目
五陵無事莫回頭山猶帶雪霏霏恨柳未禁寒冉冉愁

直是無情也腸斷鳥歸帆沒水空流

廢宅

風飄碧瓦雨摧垣却有鄰人為鎖門
幾樹好花閒白晝
滿庭芳草易黃昏
放魚池涸蛙爭鬧
棲燕梁空雀自喧
不獨淒涼眼前事
咸陽一火便成原

金橋感事

太行和雪疊晴空
二月春郊尚朔風
飲馬早聞臨渭北
射鵰今欲過山東
百年徒有伊川歎
五利寧無魏絳功

日暮長亭正愁絕
哀笳一曲戍煙中

彭門用兵後經沛路

長亭一望徘徊千里關
河百戰來細柳舊營猶鏢月
祈連新塚已封苔
霜凋綠野愁無際
燒接黃雲慘不開
若比江南更牢落
子山詞賦莫興哀

隋堤風物已淒涼
堤下仍多舊戰場
金簇有苔人拾得
蘆花無主鳥銜將
秋聲暗促河聲急
野色遙連日色黃
獨上寒城正愁絕
戍聲驚起鴈行行

鐵馬雲旗夢渺茫東來無處不堪傷
風吹白草人行少
月落空城鬼嘯長
一自紛爭驚宇宙
可憐蕭索絕烟光
曾為塞北閒遊客
遼水天山未斷腸

太保中書令軍前新樓

韋昭度遷太保中書令
討陳敬瑄出節度蜀中

十二闌干壓錦城
半空人語落灘聲
風流近接平津閣
氣色高含細柳營
盡日捲簾江草綠
有時欹枕雪峯晴
不知奉詔朝天後
誰此登臨看月明

滌水席上獻座主侍郎

暖泉宮裏告虔回畧避紅塵小宴開落絮已隨流水去
啼鶯還傍夕陽來草能緣岸侵羅薦花不容枝蘸玉杯
莫訝諸生中獨醉感恩傷別正難裁

富水驛東楹有人題詩

繡纓霞翼兩鴛鴦金島銀川是故鄉只合雙飛便雙死
豈悲相失與相忘烟花夜泊紅蕖膩蘭渚春遊碧草芳
何事遽驚雲雨別秦山楚水兩乖張

和座主尚書春日郊居

海燕初歸朔鴈回
靜眠深揜百花臺
春蔬已為高僧掇
臘醞還因熟客開
簷外暖絲兼絮墮
檻前輕浪帶鷗來
謝公難避蒼生意
自古風流必上台

憲丞裴公上洛退居有寄

瘦如仙鶴爽風篁
外却塵囂興緒長
偶坐幾回沈皓月
閒吟是處到殘陽
門前立使修書懶
花下留賓壓酒忙
目斷瓊林攀不得
一重丹水抵三湘

澗東筵上有寄

襄王席上一神仙眼色相當語不傳見了又休真似夢
坐來雖近遠於天隴禽有意猶能說江月無心也解圓
更被東風助惆悵落花時節蝶翩翩

病中宜茯苓寄李諫議

千年茯苓帶龍鱗太華峰頭得最珍金鼎燒煎雲漾粉
玉甌寒貯露含津南宮已借徵詩客內署今還託諫臣
飛檄愈風知妙手也須分藥救漳濱

寄貫休上人

別來如夢亦如雲八字微言不復聞
世上浮沉應念我筆端飛動只降君
幾同江步吟秋霽更憶山房語夜分
見擬沃州尋舊約且教丹頂許為隣

送弟東歸

偶持麟筆侍金閨夢想三年在故溪
祖竹定欺簷雪折稚杉應拂棟雲齊
漫勞筋力趨丹鳳可有文詞詠碧鷄
此別更無閒事囑北山高處謝猿啼

送知古上人

昔年離別浙河東，多難相逢舊楚宮。
振錫纔尋三徑草，登船忽挂一帆風。
幾程村飯添盃白，何處山花照袖紅。
不似投荒憔悴客，滄浪無際問漁翁。

途中見杏花

一枝紅艷出牆頭，牆外行人正獨愁。
長得看來猶有恨，不堪逢處更難留。
林空色暝鶯先到，春淺香寒蝶未遊。
更憶帝鄉千萬樹，澹煙籠日暗神州。

杏花

粉薄紅輕拚臉羞花中占斷得風流軟非因醉都無力
凝不成歌亦自愁獨照影時臨水畔最含情處出牆頭
徘徊盡日難成別更待黃昏對酒樓

高侍御話皮博士池中白蓮因成奉呈

白玉花開綠錦池風流御史報人知看來應是雲中墮
偷去須從月下移已被亂蟬催婉婉更禁涼雨動襜褕
習家秋色堪圖畫只欠山公倒接羅

葉落

紅影飄來翠影微
一辭林表不知歸
伴愁無色烟猶在
替恨成啼露未晞
若逐水流應萬里
莫因風起便孤飛
楚郊千樹秋聲急
日落紛紛惹客衣

子規

舉國繁華委逝川
羽毛飄蕩一年年
他山叫處花成血
舊苑春來草似煙
雨暗不離濃綠樹
月斜長弔欲明天
湘江日暮聲淒切
愁殺行人歸去船

華清宮

漁陽烽火照函關
王輦忽忽下此山
一曲羽衣聽不盡
至今遺恨水潺潺

山居即事

不做南窓且採樵
乾松每帶濕雲燒
庖厨却得長兼味
三秀芝根五朮苗

萬事條然只有基
小軒高淨簟涼時
闌珊半局和微醉
花落中庭樹影移

華清宮

四郊飛雪暗雲端，唯此宮中落旋乾。
綠樹碧簷相掩映，無人知道外邊寒。

壬戌歲閏鄉寓居

六載抽毫侍禁闈，不堪多病決然歸。
五陵年少如相問，

阿對泉頭一布衣。

阿對是楊伯起家僮嘗引泉灌蔬其泉至今尚在

結得茆簷瞰碧溪，閒雲之外不同棲。
猶嫌未遠函關道，

正睡剛聞報曉雞。

清溪見底露蒼苔，密竹垂藤鎖不開。
應是仙家在深處，

愛流花片引人來

石白山頭有一僧朝無香積夜無燈近嫌俗客知蹤跡
擬向中方斷石層

憶街西所居

衡門一別夢難稀人欲歸時不得歸長憶去年寒食夜
杏花零落雨霏霏

渡淮作

紅杏花時辭漢苑黃梅雨裏上淮船雨迎花送長如此

辜負東風十四年

楚事

悲秋應亦抵傷春
屈宋當年並楚臣
何事從來好時節
只將惆悵付詞人

陳琳墓

冀州飛檄傲英雄
却把文辭事鄴宮
從道筆端由我得
九泉何面見袁公

王母廟

鸞龍一夜降崑丘遺廟千年枕碧流賺得武皇心力盡
忍看煙草茂陵秋

秋色

染不成乾畫未銷霏霏拂拂又迢迢曾從建業城邊路
蔓草寒烟鏤六朝

楊花

不關穠華不占紅自飛晴野雪濛濛百花長恨風吹落
唯有楊花獨愛風

羅鄴

鄴餘杭人與宗人隱虬齊名世稱三羅咸通中舉
進士不第歿後光化中韋莊奏追賜進士及第贈

官

詩評云羅隱才雄而疎羅鄴才清而緻

近體詩

僕射坡晚望

離人到此倍堪傷
陂水蘆花似故鄉
身事未知何日了

馬蹄惟覺到秋忙
田園牢落東歸晚
道路辛勤北去長
却羨無愁是沙鳥
雙雙相趁下斜陽

冬夕江上言事

僻居多與懶相宜
吟擁寒爐過臘時
風柳欲生陽面葉
凍梅先綻嶺頭枝
山川自小拋耕釣
骨肉無因免別離
賴有陶情一尊酒
愁中相向展愁眉

蚤發

一點燈殘魯酒醒
已攜孤劍事離程
愁看飛雪聞鷄唱

獨向長空背雁行
白草近關微
有路濁河連
底凍無聲
此中來往本迢遞
况是驅羸客
塞城

登凌歊臺

高臺今古境
長閒因想興
亡自慘顏
四海已歸新
雨露
六朝空認舊
江山槎翹獨
鳥沙汀畔
風遞連檣
雪浪間
好是輪蹄來
往便誰人不
向此躋攀

留題張逸人草堂

長懸青紫與芳枝
塵世無因免別離
馬上多於在家日

尊前堪惜少年時
關河客夢還鄉後
雨雪山程出店遲
却羨高人此中老
軒車過盡不知誰

山陽貽友人

性僻多將雲水便
山陽酒病動經年
行遲暖陌花關馬
睡重江村雨打船
閒弄玉琴雙鶴舞
靜窺庭樹一猿懸
結茅更莫期深隱
聲價如今滿日邊

途中寄友人

秋庭悵望別君初
折柳分襟十載餘
相見或因中夜夢

寄來多是隔年書
攜樽座外花空老
垂釣江頭柳漸疎
裁得詩憑千里鴈
吟來寧不憶吾廬

春夕寄友人時有與歌者南北

芳徑春歸花半開
碧山波暖鴈初迴
滿樓月色還依舊
昨夜歌聲自不來
愁眼向誰零
玉筯征蹄何處駐
紅埃中宵吟罷正惆悵
從此蘭堂鎖綠苔

送張逸人

自說歸山人事賒
素琴丹竈是生涯
床頭殘藥鼠偷盡

溪上破門風擺斜石井晴垂青葛葉竹籬荒映白茅花
遙知此去應稀出獨卧晴窓夢曉霞

謝友人遺華陽巾

剪霧裁烟勝角冠來從玉洞五雲端醉宜薤葉欹斜影
穩稱菱花子細看野客愛留籠鶴髮溪翁爭乞配魚竿
真仙首飾勞相寄塵土翻慙戴去難

牡丹

落盡春紅始著花花時比屋事豪奢買栽池館恐無地

看到子孫能幾家門倚長衢攢繡轂幄籠輕日護香霞
歌鍾滿座爭歡賞肯信流年鬢有華

芳草

廢苑牆南殘雨中似袍顏色正蒙茸微香暗惹遊人步
遠綠纔分鬪雉蹤三楚渡頭長恨見五侯門外却難逢
年年蹤有春風便馬跡車輪一萬重

聞杜鵑

花時一宿碧山前明月東風叫杜鵑孤館覺來聽夜半

羸僮相對亦無眠
汝身哀怨猶如此
我淚縱橫豈偶然
爭得蒼蒼知有恨
汝身成鶴我成仙

秋別

別路垂楊柳
秋風淒管絃
青樓君去後
明月為誰圓

宮中

芳草長含玉輦塵
君王遊幸此中頻
今朝別有承恩處
鸚鵡飛來說似人

公子行

雕鞍玉勒照花明
過後香風特地生
半醉五侯門裏出
月高猶在禁街行

秋怨

夢斷南窓啼曉烏
新霜昨夜下庭梧
不知簾外如珪月
還照邊城到曉無

春遊鬱然有懷賦

芳草和煙暖更青
閒門要路一時生
年年點檢人間事
唯有春風不世情

黃河曉渡

大河平野正窮秋
羸馬羸僮古渡頭
昨夜蓮花峯下月
隔簾相伴到明愁

吳王古宮井

古宮荒井曾平後
見說畊人又鑿開
拾得古釵鐫勅字
當時恩澤賜誰來

含青薜荔隨金甃
碧砌鱗鱗生綠苔
莫言數尺無波水
曾與如花並照來

望仙

千金壘土望三山
雲鶴無蹤羽衛還
若說神仙求便得
茂陵何事在人間

陳宮

白玉尊前紫桂香
迎春閣上燕雙雙
陳王半醉貴妃舞
不覺隋兵夜渡江

歎平泉春

生前幾到此亭臺
尋歎投荒去不回
若使春風會人意

花枝盡合向南開

為人感贈

歌舞從來最得名如今老寄洛陽城
當時醉送龍驤曲
留與誰家唱月明

梅花

繁如瑞雪壓枝開越嶺吳溪免用栽
却是五侯家未識
春風不放過江來

柳絮

處處東風撲晚楊
輕輕醉粉落無香
就中堪恨隋堤上
曾惹龍舟舞鳳凰

鷄冠花


一枝濃艷對秋光
露滴風搖倚砌傍
曉景乍看何處似
謝家新染紫羅裳

放鷓鴣

好倚青山與碧溪
刺桐毛竹待雙棲
花時遷客傷離別
莫向相思樹上啼

螢

水殿清風玉戶開
飛光千點去還來
無風無月長門夜
偏到堦前照綠苔



御定全唐詩錄卷九十二